



Broj: 01-02-44167/22
Sarajevo, 1.11.2022.g.

Na osnovu člana 70. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa članom 55. Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22) i članom 7. Uputstva za izradu i provođenje plana integriteta institucija javnog sektora u Kantonu Sarajevo broj: 02-04-43099-19.1/22 od 20.10.2022.g, šefica Kabineta donosi

ODLUKU
o izradi Plana integriteta
Kabineta predsjedavajućeg i zamjenika predsjedavajućeg
Skupštine Kantona Sarajevo

I

Ovom Odlukom utvrđuje se obaveza izrade i provođenja Plana integriteta Kabineta predsjedavajućeg i zamjenika predsjedavajućeg Skupštine Kantona Sarajevo (u daljem tekstu: Kabinet) u skladu sa Uputstvom za izradu i provođenje plana integriteta institucija javnog sektora u Kantonu Sarajevo i u skladu sa odredbama Zakona o prevenciji i suzbijanju korupcije u Kantonu Sarajevo.

II

Ovim Odlukom imenuju se članovi Radne grupe za izradu prijedloga Plana integriteta Kabineta (u daljem tekstu: Radna grupa) na period od četiri(4) godine, u sastavu:
-Edina Zukić,
-Azemina Telalović i
-Mirjana Martinović.

Članovi Radne grupe će izabrati predsjedavajuću/eg među svojim članovima i u roku od 5(pet) dana od dana imenovanja, usvojiti i dostaviti rukovodiocu Kabineta, efikasan i provodljiv Program rada Radne grupe, na odobravanje.

III

Radna grupa iz tačke II ove Odluke dužna je, u skladu sa Uputstvom za izradu i provođenje plana integriteta institucija javnog sektora u Kantonu Sarajevo i Zakonom o prevenciji i suzbijanju korupcije u Kantonu Sarajevo, pristupiti izradi prijedloga Plana integriteta Kabineta.



IV

Radna grupa je dužna, odmah nakon imenovanja, započeti sa radom i sačiniti prijedlog Plana integriteta Kabineta, najkasnije do 01.12.2022. godine.

Radna grupa treba da o svakom održanom radnom sastanku sačini zapisnik.

Radna grupa izrađuje i podnosi rukovodiocu Kabineta izvještaj o stanju integriteta u instituciji, koji se kreira na osnovu prethodnih analiza i procesa identifikacija rizika.

Radna grupa svu dokumentaciju sačinjenu u procesu izrade plana integriteta, objedinjava, te izrađuje prijedlog Plana integriteta Kabineta.

V

Radna grupa je dužna nakon okončanja svih aktivnosti dostaviti prijedlog Plana integriteta rukovodiocu Kabineta, koji isti upućuje Uredu za borbu protiv korupcije i upravljanje kvalitetom Kantona Sarajevo na procjenu.

VI

Rukovodilac Kabineta prati sve aktivnosti Radne grupe i odgovoran je za donošenje, provođenje i izvještavanje o provođenju Plana integriteta.

VII

Odluka stupa na snagu danom donošenja, a objaviće se na službenoj internet stranici Kabineta.

ŠEFICA KABINETA

Aida Arap

Dostaviti:

- Članovima radne grupe
- Menadžeru integriteta
- Svim uposlenim u Kabinetu predsjedavajućeg i zamjenika predsjedavajućeg Skupštine Kantona Sarajevo
- Arhiva

